



Bosnia and Herzegovina  
Federation of Bosnia and Herzegovina

**CANTON SARAJEVO**  
**Anti-Corruption and Quality Control Office**

Broj: 20-11-23154-1/20  
Sarajevo, 02.07.2020. godine

Na osnovu čl. 10. i 18. stav (1) Zakona o javnim nabavkama („Službeni glasnik BiH“, broj 39/14), a u skladu sa članom 5. Uredbe o osnivanju Ureda za borbu protiv korupcije i upravljanje kvalitetom Kantona Sarajevo („Sl. novine Kantona Sarajevo“ br. 7/18, 21/19 i 5/20), šef Ureda za borbu protiv korupcije i upravljanje kvalitetom Kantona Sarajevo d o n o s i

**O D L U K U**

**o pokretanju postupka javne nabavke pružanja usluga izdavanja zemljišnoknjižnih izvadaka iz javnih evidencija, koji je izuzet od primjene odredbi Zakona o javnim nabavkama**

**Član 1.**

(Predmet nabavke)

- (1) Odobrava se pokretanje i provođenje postupka javne nabavke za pružanje usluga izdavanja zemljišnoknjižnih izvadaka iz javnih evidencija.
- (2) Postupak javne nabavke iz stava (1) ovog člana je, u skladu sa članom 10. stav (1) tačka d) Zakona o javnim nabavkama, izuzet od primjene odredbi Zakona, jer je riječ o zakonskom monopolu.

**Član 2.**

(Cijena usluga)

- (1) Za realizaciju nabavke iz člana 1. ove odluke, odobravaju se sredstva u procijenjenom iznosu od 1.500.00 KM bez PDV-a.
- (2) Cijena ovih usluga procijenjena je prema važećoj Odluci o visini naknada za korišćenje podataka i pružanja usluga Republičke uprave za geodetske i imovinsko-pravne poslove („Sl. glasnik RS“, br. 18/12 i 27/12 - ispr.) i na osnovu Zakona o naknadama za vršenje usluga premjera i korišćenje podataka katastra nepokretnosti i katastra zemljišta („Sl. glasnik RS“, br. 92/09).
- (3) Troškovi nabavke terete poziciju Ureda za borbu protiv korupcije i upravljanje kvalitetom Kantona Sarajevo, Konto: 613991 – Ostale nespomenute usluge i dadžbine, CPV kod: 79990000-0 Razne usluge vezane za poslovanje.



### Član 3.

(Izveštavanje)

Po primitku naloga za plaćanje naknade za usluge izdavanja zemljišnoknjižnih izvadaka iz javnih evidencija, izvršiće se elektronsko izveštavanje Agencije za javne nabavke BiH, u skladu sa članom 75. Zakona o javnim nabavkama i Uputstvom o uslovima i načinu objavljivanja obavještenja i dostavljanja izvještaja u postupcima javnih nabavki u informacioni sistem "E-nabavke", a koja se odnose na izuzeća od primjene odredbi Zakona o javnim nabavkama.

### Član 4.

(Stupanje na snagu i objava)

Ova odluka stupa na snagu danom donošenja i objavit će se na web stranici Ugovornog organa.


### Obrazloženje

U okviru provođenja Zakona o prijavljivanju i postupku provjere podataka o imovini nosioca javnih funkcija u Kantonu Sarajevo ("Službene novine Kantona Sarajevo", broj 18/19), Uredu za borbu protiv korupcije i upravljanje kvalitetom Kantona Sarajevo (u daljem tekstu: Ured) ukazala se potreba za pribavljanjem zemljišnoknjižnih izvadaka iz javnih evidencija, sa područja entiteta Republika Srpska.

Cijena navedenih usluga procijenjena je prema važećoj Odluci o visini naknada za korišćenje podataka i pružanja usluga Republičke uprave za geodetske i imovinsko-pravne poslove („Sl. glasnik RS“, br. 18/12 i 27/12 - ispr.) i na osnovu Zakona o naknadama za vršenje usluga premjera i korišćenje podataka katastra nepokretnosti i katastra zemljišta („Sl. glasnik RS“, br. 92/09), prema potrebama Ureda na realizaciji aktivnosti u provođenju svojih nadležnosti u narednom periodu.

Ovaj postupak javne nabavke je, u skladu sa članom 10. stav (1) tačka d) Zakona o javnim nabavkama, izuzet od primjene odredbi Zakona, jer je riječ o zakonskom monopolu. Nadležnosti Republičke uprave za geodetske i imovinsko-pravne poslove propisane su odredbama člana 33. Zakona o republičkoj upravi („Sl. glasnik RS“, br. 115/18).

Novčana sredstva osigurana su u Budžetu Kantona Sarajevo za 2020. godinu, na poziciji Ureda za borbu protiv korupcije i upravljanje kvalitetom Kantona Sarajevo ("Službene novine Kantona Sarajevo", broj: 10/20).



web: <http://vlada.ks.gov.ba>  
e-mail: [uk@uk.ks.gov.ba](mailto:uk@uk.ks.gov.ba)  
Tel: + 387 (0) 33 562-277,  
Fax: + 387 (0) 33 562-217

Sarajevo, Reisa Džemaludina Čauševića 1

